

佛說樹提伽經

劉宋天竺三藏求那跋陀羅譯

佛言有一長者名爲樹提伽倉庫盈溢金銀具足奴婢成行無所乏少有一白氎手巾掛著池邊遇天風起吹王殿前王即大會群臣坐共參論羅列卜問怪其所以諸臣皆言國欲將興天賜白氎唯樹提伽默然不言王語樹提伽諸臣皆喜卿以無言樹提伽答言不敢欺王是臣之家拭涕之巾掛著池邊遇天風起吹王殿前以是之故默然不言却後數日有九色之華大如車輪遇天風起吹王殿前王大會群臣坐共參論羅列卜問怪其所以諸臣皆言國欲將興天賜金華樹提伽默然不言王語樹提伽諸臣皆喜卿亦無言提伽答言不敢欺王是臣之家後園之中萎落之華遇天風起吹王殿前以是之故默然不言王語樹提伽卿家乃爾命卿約勅家中廣作調度朕須還歸將領二十萬衆到卿家看提伽答言願王共臣相隨臣家自然林褥不須人敷自然飲食不須人作自然擎來不須

呼喚自然擎去不須反顧王將領二十萬衆到樹提伽南門直入閤中有一童子顏容端正肉色豐悅甚復可愛王語樹提伽是卿家兒郎以不答言臣不敢欺王是臣之家守閤之奴小復前進至內閤有一童女顏容端正肉色豐悅甚復可愛王語樹提伽卿家女婦以不答言臣不敢欺王是臣之家守閤之婢小復前進至樹提伽堂前白銀爲壁水精爲地王見謂呼水流疑不得前樹提伽即導王前以八將王企金牀踞王机樹提伽婦一百二十重金銀幃帳裏出爲王設拜眼中淚出王語樹提伽卿婦爲我設拜有何不掩眼中淚出答言臣不敢欺王聞王煙氣以是之故眼中淚出王言庶民然脂諸侯然蠟天子然漆亦無煙氣何得淚出樹提伽言臣不敢欺王臣家有一明月神珠掛著殿堂無晝無夜不須火光王是煙中之王是故聞氣耳樹提伽堂前有一十二重高樓將王上視東望西視南望北瞻黯黯惱惱已經一月大臣白王國計事大事須還歸料理人民王謂須臾小

復可忍樹提伽復將王後園之中看流泉浴池各皆可美甚復可愛黯黯惱惱已經一月大臣白王國計事大事須還歸料理人民王謂呼須臾小復可忍樹提伽七寶布施綾羅繒綵二十萬衆人馬車乘一時還國王即大會群臣坐共參論羅列卜問怪其所以樹提伽是我之民婦女宅舍過甚於我我欲伐之可取以不諸臣皆言宜可取之王將領四十萬衆推鍾鳴鼓圍樹提伽舍數百餘重樹提伽門中一力士手提金杵一擬四十萬衆人馬俱倒手脚繚戾腰髓嬰婆狀似醉容頭脚跛蹶不復得起樹提伽乘雲之車在虛空中來問諸人來時何意卧地不起大王遣來欲伐長者門中有一力士手提金杵一擬令四十萬衆人馬俱倒繚戾腰髓嬰婆狀似醉容頭脚跛蹶不復得起樹提伽問諸人欲得起不諸人皆言欲得起樹提伽舉一神杖令四十萬衆人馬俱起還國王即遣使喚樹提伽我共同車而載往詣佛所問言世尊樹提伽是我之臣前身有何功德女婦宅舍過甚於

我佛言樹提伽五百商主將諸賈人齋持重寶經過險路于時深山之中見一病道人給其庵屋厚敷牀褥給其水漿鴿鷄米糧給其燈燭于時乞願願得天堂之供今得果報于時布施者是誰樹提伽是也病道人者我身是也五百賈主人皆得阿羅漢道也佛說經竟王及諸臣發阿耨多羅三藐三菩提心禮佛即退

佛說樹提伽經

佛說樹提伽經(別本)

校勘記

一 底本,清藏本。

一 三一七頁上二行「天竺」, [磧、普、南]無。

[南]無。

一 三一七頁上九行第八字「拭」, [普]作「飾」。

一 三一七頁上一三行第九字「興」, [普]作「與」。

[普]作「與」。

一 三一七頁中一〇行第一〇字「王」, [磧、普、南、徑]作「玉」。

[磧、普、南、徑]作「玉」。

一 三一七頁中一二行第一五字「掩」, [磧、普、南、徑]作「掩」。

[磧、普、南、徑]作「掩」。

一 三一七頁中一六行第八字「神」, [磧、普]作「魂」。

[磧、普]作「魂」。

一 三一七頁中一九行「黯黯」, [磧]作「俺俺」。

「俺俺」。

一 三一七頁下九行第一一字「舍」, [磧、普]作「合」。

[磧、普]作「合」。

一 三一七頁下一五行第七字「倒」, [普、南、徑]作「倒手脚」。

[普、南、徑]作「倒手脚」。

一 三一七頁下一九行第四字「車」,

[磧]作「居」。